



**ODBOJKAŠKI SAVEZ BOSNE I HERCEGOVINE**  
**VOLLEYBALL FEDERATION OF BOSNIA AND HERZEGOVINA**  
*Affiliated in FIVB*



**ODLUKA**  
**o naknadama službenim licima**  
**za takmičarsku 2023/2024. sezonu**

Sarajevo, juni 2023. godine

Na osnovu člana 34. Propozicija takmičenja Odbojkaškog saveza BiH, Upravni odbor OS BiH na sjednici održanoj dana 30.06.2023. godine, donio je

**ODLUKA**  
**o naknadama službenim licima**  
**za takmičarsku 2023/2024. sezonu**

Član 1.

Takse službenim licima za Premijer ligu i Kup BiH iznose:

1. Delegat ili delegat-kontrolor	120 KM
2. Prvi sudija	120 KM
3. Drugi sudija	120 KM
4. Elektronski zapisničar	50 KM
5. Zapisničar	30 KM
6. Linijski sudija	30 KM

Član 2.

Takse službenim licima za utakmice mlađih kategorija:

1. Delegat ili delegat-kontrolor	60 KM
2. Prvi sudija	60 KM
3. Drugi sudija	60 KM
4. Zapisničar	30 KM
5. Linijske sudije	30 KM

Na finalnim turnirima mlađih kategorije službenim licima mogu pripadati maksimalno dva iznosa utvrđene takse.

Član 3.

U međunarodnim takmičenjima tehničkom delegatu isplaćuje se naknada u vidu „pocket mony“ u skladu sa aktima CEV-a, a troškovi prevoza u skladu sa ovom Odlukom.

Elektronskom zapisničaru pripada taksa u iznosu od 50,00 KM, a zapisničarima i linijskim sudijama u iznosu od 30,00 KM.

Za zvanične i prijateljske utakmice reprezentacija BiH i sve utakmice na zvaničnim i prijateljskim turnirima koje organizuje OS BiH službena lica obavljaju poslove volonterski uz obavezu OS BiH da obezbjedi prevoz, a u prostorijama dvorane osvježavajuće napitke i ishranu u skladu sa regulacijama CEV-a.

Za zvanične reprezentativne i klupske međunarodne utakmice zapisničari i linijske sudije delegiraju se najniže sa „B“ liste OS RS ili OS FBiH.

Član 4.

Delegatu ili delegatu-kontroloru, prvom i drugom sudiji taksa iz člana 1. i 2. ove Odluke uvećava se za 30% ako se utakmica igra petkom i drugim radnim danima.

Ukoliko se utakmica igra radnim danom zbog promjene termina radi nastupa kluba u međunarodnim takmičenjima, nastupa odbojkaša-ica za reprezentaciju BiH i nastupa klubova na međunarodnim utakmicama i tradicionalnim turnirima, za čije učešće postoji saglasnost nadležnog takmičarskog organa uvećanje takse iz stava 1. ovog člana neće se primjenjivati.

#### Član 5.

Na utakmicama stalnih takmičenja OS BiH na koje nije delegiran delegat ili delegat-kontrolor ili isti nije doputovao u mjesto odigravanja utakmice prvom sudiji se uvećava taksa za 10 %.

#### Član 6.

Troškovi putovanja vlastitim automobilom plaćaju se u iznosu od 10 % cijene goriva po pređenom kilometru u skladu sa zvaničnim daljinarom uz korištenje autoputa, magistralnog ili regionalnog puta.

#### Član 7.

Dnevnice za službeno putovanje isplaćuju se na osnovu Daljinara koji je prilog Odluci (Prilog 1.).

Visina dnevnice utvrđuje se Odlukom o izdacima za službena putovanja u zemlji i inostranstvu u OS BiH u skladu sa važećim propisima.

#### Član 8.

Dnevnice za izvršeno službeno putovanje isplaćuju se i obezbjeđuje prenoćište u skladu sa vremenom stvarno provedenom na putovanju, a mogu maksimalno da iznose:

- |   |              |
|---|--------------|
| - do 70 kilometara u jednom pravcu        | bez dnevnice |
| - od 71 do 200 kilometara u jednom pravcu | 0,5 dnevnice |
| - 201 kilometara i više u jednom pravcu   | 1 dnevnic    |

Troškovi putovanja vezano za korištenje autoputa u dolasku sa prilaganjem odgovarajućeg računa o plaćenju putarini uz uslov da je putovanje u skladu sa zvaničnim daljinarom OS BiH uz korištenje autoputa, magistralnog puta ili regionalnog puta.

Na putovanju preko 250 kilometara u jednom pravcu stiče se pravo na noćenje sa doručkom u hotelu ili motelu minimalno kategorije tri zvjezdice koje obezbjeđuje domaćin.

U slučaju loših vremenskih prilika koje na očigledan način ne omogućavaju bezbjedno putovanje i zastoja u saobraćaju, stiče se pravo na noćenje sa doručkom i na kraćim relacijama o čemu odlučuje delegat ili delegat-kontrolor.

Na turnirima službenim licima u dolasku i odlasku sa turnira pripada dnevnic u skladu sa zvaničnim daljinarom i tabelom za obračun dnevnica. Za ostalo vrijeme provedeno na turniru službenim licima pripadaju dnevnice na osnovu stvarno provedenog vremena na turniru ili 20% od dnevnice ako je obezbjeđena kompletna pansionerska usluga.

#### Član 9.

Isplata taksi, dnevnica, troškovi putovanja i prenoćište ostvaruju se u skladu sa odredbama Propozicija takmičenja OS BiH.

Pređeni kilometri se obračunavaju prema zvaničnom daljinaru utvrđenom od strane direktora takmičenja OS BiH.

#### Član 10.

Direktor takmičenja OS BiH daje zvanična saopštenja o obračunskoj cijeni goriva u skladu sa cijenama goriva na benzinskim pumpama u sjedištu Saveza.

#### Član 11.

Odluka stupa na snagu danom donošenja, a primjenjuje se za takmičarsku **2023/2024.sezonu.**

Član 12.

Stupanjem na snagu ove Odluke prestaje da važi Odluka usvojena na sjednici Upravnog odbora OS BiH broj: 01/1-250/22 od 20.07.2022. godine.

Broj:01/1-209/23

Datum, 30.06.2023. godine

PREDSJEDNIK  
Milutin Popivić, s.r.